

Broj: 10-14-9-4230/16
Sarajevo, 30.06.2016. godine

Na osnovu člana 6. stav (2) tačka 2) Zakona o internoj reviziji u javnom sektoru u Federaciji Bosne i Hercegovine („Službene novine Federacije BiH“, broj: 47/08) Federalno ministarstvo finansija-financija objavljuje

JAVNI POZIV

za iskazivanje interesa za učešće u Stručnoj komisiji Federalnog ministarstva finansija-financija za provođenje postupka certificiranja i edukacije internih revizora u javnom sektoru u Federaciji Bosne i Hercegovine.

Zainteresovana lica koja žele ostvariti učešće u Stručnoj komisiji Federalnog ministarstva finansija-financija, potrebno je da ispunjavaju sljedeće opće uslove:

- da je državljanin Bosne i Hercegovine,
- da ima završen VSS - VII stepen stručne spreme, odnosno visoko obrazovanje prvog ciklusa (koje se vrednuje sa 240 ECTS bodova) ili drugog ili trećeg ciklusa Bolonjskog sistema studiranja,
- da ima najmanje 10 godina radnog iskustva u struci nakon stjecanja VSS.

Prednost kod izbora lica koja žele ostvariti učešće u Stručnoj komisiji Federalnog ministarstva finansija-financija, imat će oni koji, pored općih uslova, ispunjavaju i neke od sljedećih dodatnih uslova:

- posjedovanje akademskog zvanja,
- posjedovanje certifikata ovlaštenog revizora/internog revizora,
- predavačko iskustvo,
- posjedovanje specijalističkih znanja iz oblasti finansijskog upravljanja i kontrole i interne revizije.

Uz pisanu prijavu potrebno je priložiti (original ili ovjerena kopija):

1. Diplomu o stečenoj stručnoj spreml,
2. Potvrdu o radnom iskustvu uz opis poslova,
3. Kratku biografiju i
4. Dokaze o ispunjavanju dodatnih uslova.

Pisanu prijavu o iskazivanju interesa za učešće u Stručnoj komisiji Federalnog ministarstva finansija-financija, zajedno sa biografijom i dokazima o ispunjavanju općih i dodatnih uslova, zainteresovana lica trebaju dostaviti na adresu: Federalno ministarstvo finansija-financija, ul. Mehmeda Spahe br. 5, 71 000 Sarajevo sa naznakom „**Prijava za učešće u Stručnoj komisiji Federalnog ministarstva finansija-financija za provođenje postupka certificiranja i edukacije internih revizora u javnom sektoru u Federaciji Bosne i Hercegovine – ne otvaraj**“.

Lica koja ispunjavaju uslove iz ovog poziva, u cilju povremenog angažmana biće uvrštena u evidenciju Centralne harmonizacijske jedinice Federalnog ministarstva finansija-financija, sačinjenu u svrhu izgradnje i razvoja kapaciteta finansijskog upravljanja i kontrole i interne revizije u javnom sektoru u Federaciji.

MINISTRICA

Jelka Milićević